

## ERRIKO SEME IRUCHULOTARRA.

AMALAUDUNA.

Oso dibertituba  
 Erriyan izanik,  
 Ez du erriko seme  
 Beste izenik:  
 Rada ez da gaurikan  
 Ez ere egunik,  
 Zerbait jolasbidetan  
 Ikusten ezdanik;  
 Onlakorik zanik,  
 Ez nuben uste nik,  
 Ez deizkiyo danik,  
 Beretzako lanik,  
 Baldin dibertitzeko  
 Badu lagunik.

\*  
 \* \*

Jolaserako piña  
 beste gaitzik ez du,  
 alderdi guzietan  
 portatzen da prestu.

Ala ditu erdaldun  
 nola euskaldunak,  
 denak nai diotenak  
 guztiyak lagunak.

Buruz argiya da ta,  
 ongi itzegiña,  
 alderdi guzietan  
 oso atsegiña.

Guziz egoki daki  
 gezurak kontatzen,  
 egokiyago berriz  
 dantzan ta kantatzen;

Eta egiten beste  
 norbaiten papera,  
 iruri arazten du  
 beste dala bera.

Ura dagüen tokiyan  
 tristurikan ez da,  
 denbora pasatuzten  
 biziro errez da.

Allegatzen danean  
 iñautegi pesta,  
 echean asko aldiz  
 ikusiko ez da.

Austerre pasa arte  
 zaldun iñauteitik,  
 ez du izaten geldi  
 egoteko betik.

Erdilotan enzuten  
 badu danboliña,  
 seguru du berekin  
 lo ezin egiña;

Idiya bañan len da  
 irteten kalera,  
 noiz egingo duben ark  
 beiteitik karrera;

Gero bere arrekin  
 kalerikan kale,  
 ibillirik zapatak  
 urratzen debalde,  
 eramaten danean  
 ura beitokira,  
 joango da lagunekin  
 emanikan jira,  
 zumorikan onena

dagüen parrokira;  
 (klarogo esateko  
 sagardotegira).

.....

Sarri azaltzen zaio  
 berriz beste pesta,  
 zer jolaz izango dan  
 asmatzen errez da.

Lenago ditu meza  
 bezperak galduko,  
 idiyetara duben  
 bañan paltatuko.

Berekin izango du  
 bere kapa zarra,  
 zenbait aldiz idiyak  
 sartuba adarra;  
 eta tarratarikan  
 ezpada bestetan,  
 sñale dala ongi  
 atera pestetan;  
 brida bere sastrea  
 izanik idiya,  
 arrek artutzen diyo  
 maiz galtzen neurriya.

Ez dakit nola miñik  
 artzen ezduben nik,  
 egundañon ikusi  
 ez det artzen miñik.

Ala non idiyakin  
 nola zezenetan,  
 inpernuko Pachi-ren  
 antza du denetan.

Beste jolasik ere  
 bear bada egin  
 lendabizi kontatu  
 oi da berarekin.

Denetan egiten du  
 nor baiten papera.  
 jantzi mudatu asko  
 oi ditu atera.

Ain laster ikusten da  
 oso pormal plazan,  
 nola chimukeritan  
 saltoka ta dantzan.

Ez diruri dubenik  
 ezurrik berekiñ,  
 izatekoz, artuko  
 lukela nago miñ.

Eguna igarota  
 zer esanik ezda,  
 illuntzean asten du  
 berriroko pesta.

Plakiyaren beldurrak  
 kendurik lenengo,  
 jolasean asiko  
 ez da aizkenengo.

Komediyarik bada  
 irtengo da bera,  
 graziyaz egitera  
 nor baiten papera,

Andik gero joanikan  
 danzako tokira,  
 emango ditu danzan  
 makiña bat jira;  
 bada ura bañan len  
 ni nekaturikan,  
 lotarako echera  
 joaten naiz andikan.

Eta geroz nola ark  
 segitzen duben an,  
 aurrerako berririk  
 ez nezake eman.

RAMON ARTOLA.

